

O Bloque esixe a dimisión de Silva e Gómez Garrido mentres o goberno ordena a

Escrito por

Sábado, 11 Febreiro 2006 07:05

Fonte- Faro de Vigo www.farodevigo.es

A presunta agresión a Manuel Pereiro xera de novo controversia entre o goberno municipal gondomareño e o grupo do BNG. Os nacionalistas relacionan a malleira propinada á súa ex edil con os atentados sufridos polo concelleiro de Nigrán, David Giráldez, en novembro e o vocal da Entidade Local Menor de Morgadanes, Domingos Solla e culpan ao PP de "alentar este tipo de actos coa súa deixación de funcións" e por non controlar as irregularidades urbanísticas. Por iso, o portavoz do BNG en Gondomar, Antón Araújo, solicita a dimisión do alcalde, Carlos Silva e do concelleiro de Urbanismo, Alexandre Gómez Garrido, e solicitan un pleno extraordinario para abordar o asunto. Ademais da comparecencia do grupo municipal nacionalista, na que estaba presente o coordinador comarcal, Henrique Viéitez, a Executiva Nacional da formación fixo público un comunicado para esixir ao Ministerio de Interior que axilice as investigacións para "esclarecer a eventual trama de especuladores que se oculta tralas agresións". Pola súa banda, o rexedor gondomareño nega a relación dos feitos con os ataques a Giráldez e a Solla e considera o caso unha disputa veciñal. No entanto, Silva admite a ilegalidade das obras, xa que o propietario da leira solicitou a licenza o pasado luns e aínda non se emitiu unha contestación. Por iso, o alcalde ordenou onte a paralización dos traballos tras mostrar a súa solidariedade e "aprecio por este veciño, dada a súa labor político e social non municipio".